

۲۹ شعبان ۱۳۳۲

نخستین

۱۰ تموز ۱۳۳۰

تلفون ۱۰۹۷

امور اداره و تحریریه و اعلانات و ساژره
ایچون مدیر مشوله مراجعت ایدلیدر .
عرفای امتك مقالات متصوفانه لرینه
جریده صوفیه نك صحیفه لری آچیتدر .
درج ایدلیان اوراق اعاده ایدلر .

جریده صوفیه

شیمدیك هفته ده بر نشر اولور .

عدد — یوز

تصوفی ، دینی ، اخلاقی ، ادبی ، سیاسی جریده اسلامیه در .

سنه — ۵

نسخه سی ۴۰ پاره در .

ابونه سی : برسنه لك اعتبارله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

مدخل تاريخ اسلام

عبدالمطلب، بش دفعه اوله غش واون اوج اوغليه بش دانه قیزی دنيایه کشتدر . بونلردن الك زیاده سودیکی (عبدالله) حضرتلری ایدی که نور نبوی بی حامل وارک اولادینک اون برنجیسی اولارق . میلاد عیسایک تقریباً ۵۴۵ هجری سنسی (فاطمه بنت عمرو) دن تولد ایتشدی .

جناب عبدالله ؛ یکریمی اوج ، یکریمی درت یاشلرینه کیردیکی وزمزم قویونسک حفرندن اوتوزسنه قدر کجدیکی برصبراده عبدالمطلب ینه بررؤیا کوروب نذر ایله دیکی قربانک کسایمسی کندیسنه امر اولوندی . قوج ، صغیر ، دوه قربان ایتدیسده رؤیالارک تکررندن اولادینک بری ذبح ایتمسی الهام اولونویوردی . نهایت اوغوللرینه ایثی آکلاددی وهپسک موافقیله اسلرینه قرعه چکدی . قرعه ، عبداللهک نامنه اصابت ایتدی . عبدالمطلب ، عبداللهی حرم شریف داخلنده کی مذبحه کوتوردی :

۱ نذر می ایضا ایچین راهگده ای رب محیب !

۲ شاهد اول ، جلالتین روح ودلدر کسدیکم

۳ ایشته قربانخانه قریتگده صدق ایله

۴ شیر زادمدر آلهی ! قوج دکدر کسدیکم

مائى دوشونمرك قربان ایدمجي ائناده عبداللهک دایسی (مغیره بن عبدالله) یه تیشوب ایشته سنک التدن بیجاغی آلدی وبرکاهنه دانیشلوب چاره بولونماسی توصیه ایتدی . بونک اوزمیرینه (خیر) ده اوطوران (قطبه کاهنه) دن استفا اولوندی . کاهنه :

سزده بر آدمک دتی نقدردر ؟ دییه صوردی .

اون دوه دیدیلر .

اولیه ایسه اون دوه ایله عبدالله نامنه قرعه جکیک .

دوهولره اصابت ایدرسه کسک . عبداللهه چیقارسه دوهولری اوزر اوزر آتیرک . حکمنی وردی . اولیه یابدیلر . دوهولر یوزه بالغ اولونجه قرعه اونلره اصابت ایتدی . شو مناسبتله بر آدمک دتی یوز دوه اولوق اوزره قرارلاشدی . دوهولر کسایوب عبدالله قورتولدندن صوکرای بدری اونى آلوب سید (بنی زهره) اولان (وهیب بن عبد مناف) ک اوینه کوتوردی وبرادر زاده سی بولونان (سیده آمنه بنت وهب بن عبد مناف بن زهره بن قصی) ی ، اوغله زوجه اولوق اوزره ایستدی . وهیبک موافقیله اوراده نکاح قیلدی . کیجه سی ده (شعب ابی طالب) ده زفاف اجرا اولوندی ،

حضرت عبدالله ، ازدواجندن بر قاج آی صوکرای هم پدرینک

اقرباسنی زیارت ایتک ، همده خرما آلوب که تیرمک املیه مدینه یه کیتدی . لکن اوراده خسته لایوب دوشکه دوشدی . قافله آرقه داشلری دوندیله و اوغلتک راحتسزلغنی عبدالمطلبه خبر ویردیله . عبدالمطلب ، قارده شنی مکیه نقل ایتک اوزره زیر بن عبدالمطلبی کونده ردی . زیر ، مدینه یه وارینجه برادرینی صوک نفسنده بولدی .

جناب عبدالله ۲۵ یاشنده اپکن غربیاً وفات ایدمرك مدینه ده (دارالباقعه) دمنیلن محله دفن اولوندی . بوراسی حالا معموردر .

رسول الله افندیز ، پدر مکرمی عبداللهک ارتحالندن ایکی آی صوکرای روغش والد ماجدندن بش دوه ، بر سور و قویون و (ام ایمن) نامنه بر جاریه ایله تولد بویوردینی خانه سعادتى توارث ایتشد .

صلی الله تعالی علیه وآله وسلم .

طاهر المولوی



متأخرین عرفای شعبانیه دن کامل افندی حضرتلری

قدس الله سره

بو ذات محترم اجله رجال طریقت شعبانیه دندر . ادرمید ماعقاتندن ابواجق قصبه سنده تخمیناً ۱۲۴۰ سنه سنده تولد ایدوب لاجل التحصیل استانبوله کلدیکنده کوچک ایاصوفیه مدرسه سنده بولنرق بایزید درساملرندن بیوک کاظم افندینک درسته دوام ایله بالآخره فاتح مدرسلرندن ارناود علی افندیدن اجازتنامه آلمشدر . بو صرمده حامی حضرتلرینک شایع اولان شهرتلری حسیله کامل افندی او حضرتک مجلسنه جان آتمش و شرف انتسابه مظهر اولمشدی حمایینک انتقالندن صکره مصطفی بک مرحومک زیر تربیه رشادتلرنده بولنش و مصطفی بکک انتقالندن صکره یعقوب خان حضرتلرینک مصاحب خاصی اولمشدر . کامل افندی استعداد تام صاحبی بررجل کامل اولمغه حضرات مشارالیه کم فیوضاتی کالات ذاتیه سنی میدان چیقارمش و کامل افندی یعقوب خانک یاندن ایرلیوب جراح پاشاده کی قوناقدی خدمت امامتی ایضا ایتشد . یعقوب خانک هندستانه هجرتی صرمسنده تأثیر افتراقه برلکده کیتمکه قالمش ایسه ده حضرتک امریه ازمیردن استانبوله عودت وینه کوچک ایاصوفیه کی مدرسه ده اختیار اقامتله منزویانه بر حیات کچیرمکه و اثارعالیه تصوف مطالعه سیله دمکذار اولمغه باشلامشدر .

التي ویایدی دفعه حرمین محترمنی زیارت شرفه مظهر اولدقلری

کئی بالخاصه قسطلونو په عزیمتله حضرت پیر شعبانی ولی یی زیارتله ده کامیاب اولشلردی .

ایاصوفیه مدروسه شنده برمدت دهه بولندقدن صکره ذات عالیله یکه زیاده عاشق اولان تریه القلب حاجی قدری افندی یینه اوجواره کی خانه سنی مشارالیه حصر ایدرک اوچ سنه قدر بوراده شرف زیارتلرینه مظهر اولان طلاب عرفان محمدی بی از شاد ایله مشغوله اولشلردی . کوجک ایاصوفیه مدرسه سنده حالت اقامتلی الی سنی متجاوزدی کوجک ایاصوفیه جامعی اتصالیله کی ترهده مدفون دارالسعاده اغاسی حاجی حسین اغاک تره دارالندی دم کامل افندی عهد سنده ایدی . سیک اوخیوز اوتوز سخته سی شهر محرمک یکرمی سیکر نجی نجشبه کیجه سی ساعت یازم راده لوله عازم کلشنسرای جان اولدی جنازه نمازی بیوک ایاصوفیه جامع شریفنده بعدالادا مبارک تابوتلری مفارق تعظیمنده اولهرق مذکور تره به نقل ونعش شریفلری بوراده ودیغه خاک غفران قیلندی .

سن عالیلری طقسائی متجاوز ایدی . اوزونجه بویلی بیاض واوزون صقالی کوزلری کوجکجه یناق کیکلری ایریجه سرسعدتلی حد اعتداله وجودجه غایت نجیف ومتناسب الاعضا ایدی یورورکن براز اوکه مائل اولهرق یورلردی . کامل افندی حضرتلری زمانمزلک شعبان وایسی ایدی . قوش اطهلی مرحوم مسلکنده اولوب مراسم صوری به رغبتلری یوق ایدی مالایینی سومن جوق سولیزاثرلرینه مرتبه سینه کوره حقایقندن بحث ایدر . انسان نقدر غم آلود اولهرق حضورینه کیرسه انشراح تام حصوله کلردی .

حضرت شیخ اکبر افندمن قنوجات مکنده ولی کامل اوصافنه دائرنه یازمشلرینه کامل افندیله او اوصاف تماماً آشکار ایدی . مسلکندمکی متانت ، طورنده کی حقیقت ، انسانی استان عرفاننده اسیر ایدزدی . اثر وای حیاتی اختیار ایله برابر اطعامی یکه زیاده سور سفره انعامندن هر یکدن نواله چین فیض اولوردی . خلاصه حضرت کامل صاحب تصرف ، واقف سر حقیقت واسفی مسامحه مطابق بر ذات مکمل ایدی . قدس الله سره .

بیلننر قیمتی روشند لالک وقت فیضنده کونش تا بامدقه ظلمت لیل آشکار اولماز .

حسین و صاف

قارنلر مزه اخطار

بو زمانه قدر مسلک جلیل صوفیه نک شانیه متعصب بر ضرورت وشکلده انتشار ایتمک ایچون یکه زیاده حصر متعصبی ایدیلوردی . لکن آهونه مانلر مزدن یکه چوقلری حالا درت سنه ک بدلاتی ارسال ایله دکلرندن بالطبع مجموعه مز مظلوم درجه ده زنگین ورنکین انتشار ایده میوردی .

حال بوکه بوندن بویه مجموعه مز بحق مسالک قدسیتی پیش ادراکه آلهرق شان جلیل صوفیه ایله متناسب بر صورتده انتشار ایده یکه و بر جوق عرفای عثمانیه وفضای اسلامیه نک آثار غلبه لرینی احتوا ایده جکدر .

دنیا ده هر معرفت بر التفاته تابعدر . شاید تابع اولماسه ایدی انسانیت دنیلن شتو کتله بشریت بودرجه توسع ایتمز عاقبت عدم معرفته غبای هلاکه یو وارلایردی . حال بوکه علو همت معرفتک آن بآن ترقیسنی استکمال ایدیکندن بتون جمعیات بشریه التفات بر تازیانه تشویق حکمنه کیرمشد .

بوکون حجه کاشانه غطف نظر ایدیلسه افغانستان کون بکون ترقی ایتمکده وعادتا انکلیزلی بیله دهشتلر ایچنده برافنده در . اسبابی بالطبع (معارف) کله محترمه سنده آراممنر ایجاب ایدر .

ایشته او معارف سایه سنده درکه آفون تأثیریه عصرلردن بری اویون چینیلرده صوک زمانلرده بر اثار انتباه وترقی کوریلدی . معرفتسنر ادامه حیات ایدیلهمیه چکی آرتق کون کی تین ایتدی . بناه علیه پای تحتمزده هر کون مختلف مجموعه لر حقیقور . بالطبع بونلر شرعیاته ، صناعته ، زراعته ، تجارته ، ادبیاته متعاقدر . حال بوکه قوجه درویشلکک بریحیک مجموعه سی اولدینی حالد مطلوب اولان التفاتی مع الناسف کورمه یور .

هر اثر بر مؤثر تحتنده در . اگر بر رغبت کوروب آهونه نلر مزلک معاوناتنه مظهر اوله ایدک طبیعی هر جهتجه بر اثر حیات کوسترمکه ازجان و دل مجبور قالیردق . هر نه حال ایسه ... فی مابعد مسلکک شانیه متناسب بدیع بر صورتده انتشاره بذل غیرت ایده جکدر .

توفیق جناب حقندن ، همت قارنلردن ، غیرت و مساعی بزدندر . والله اعلم بالصواب .